四 庫 全

書

薈 要•乾

隆 御 **免本** 事

欽定四庫全書答要 \*\*\*

詳校官助教臣常循



灾足日華山等 厦 ──之而無力雖近且易有不能致之象犀虎豹蠻夷山 流沙萬里之外經十餘譯乃至乎中國珠出南海常 海殺人之獸然其齒角皮革可聚而有也玉出崑崙 生深淵採者腰絙而入水形色非人往往不出則下 文忠集卷一百三十四 **勒常聚於所好而常得於有力之殭有力而不好好** 集古録跋尾第一 文忠东 歐陽修 拱

宇書皆三代以来至寳怪奇偉麗工妙可喜之物且 崖崩窟塞则遂整於其中者率常數十百人其遠且 之鼓岱山鄒峰會務之刻石與夫漢魏已來聖君賢 飽蚊魚金礦于山鑿深而穴遠篝火餱粮而後進其 去人不逐其取之無禍然而風霜兵火湮淪磨滅 士桓碑异器銘詩序記下至古文梅篆分隷諸家之 有也凡物好之而有力則無不至也湯盤孔鹍岐陽 難而又多死禍常如此然而金玉珠璣世常兼聚而 ◆一百三十四 飲定四庫全書 唐五代外至四海九州名山大澤窮崖絕谷荒林破塚 有好之者又其力或不足故僅得其一二而不能使其聚 棄於山崖墟林之間未當收拾者由世之好者少也幸而 力雖未足猶能致之故上自周穆王以来下更秦漢隋 貪者皆無欲於其間故得一其所好於斯好之己篤則 神仙鬼物詭怪所傳莫不皆有以為集古錄以謂轉作 也大力莫如好好莫如一于性調而嗜古凡世人之所 作寫失真故因其石本軸而藏之有卷帙次第而無 時

世之先後盖其取多而未已故隨其所得而録之又以 日足吾所好玩而老馬可也象犀金玉之聚其能果不 物多則其勢難聚聚久而無不散何必區區於是哉予對 謂聚多而終必散乃撮其大要别為録目因并載夫可 散乎子固未能以此而易彼也廬陵歐陽修序 與史傳正其關繆者以傳後學庶益於多聞或識子曰 深善評文章河南尹師魯辨論精博余每有所作二人 昔在洛陽與余遊者皆一時豪 雋之士也而陳郡謝希

一次足可事公書 一次 直徒出於嗜好之解而以為耳目之玩哉其為所得! 聖俞之不見也悲夫嘉祐八年歲在癸卯七月二十四日書 亦老且病矣此叙之作既無謝尹之知音而集録成書恨 集古録既成之八年家君命非日吾集録前世 約每見余小有可喜事惟然若在諸已白三君之亡余 非余所自得者也宛陵梅聖俞善人君子也與余共處窮 者必伸無疾讀便得余深意以示他人亦或時有所稱皆 埋沒缺落之文獨取世人無用之物而藏之者 文忠子

家之言莫不皆有然分散零落數千百年而後聚於 義士姦雄賊亂之事可以動人耳目者至於釋氏道 謂詳矣盖自文武以来这于五代盛表得失賢臣! 此則亦可謂難矣其聚之既難則其久也又將遂散 備矣若撮其大要別為目録則吾未暇然不可以關 而不備也非退而悉發千卷之藏而考之曰嗚呼可 亦已多矣故常序其說而刻之又跋於諸卷之尾者 二百九十六篇序所謂可與史傳正其閥終者已粗

右集古録序成於嘉祐本年其云有卷帙次第無時世 盡傳哉故者其大畧而不道其詳者公之志也照寧 卷之書者刻之金石託之山崖未當不為無窮之計 尾之後夫事必簡而不煩然後能傳於久遠今此干 迹之始終所立之時世而著之為一十卷以附於 跋 而無傳宜公之惜乎此也於是各取其書撰之人事 也然必待集録而後著者豈非以其繁气作而難於 二年二月記

鱼灾四月全是 十卷四百餘篇而棐乃謂二百九十六篇雖是時公尚 序明言别為録目而棐乃記公未暇之語世傳集古跋 録目則吾未暇非乃盡發干卷著其大畧自今觀之公 日吾跋諸卷之尾者二百九十六篇若撮其大要别為 尾之意也至照寧二年公之子叔弼記其後云公命集 夫可與史傳正其闕謬者以傳後學此公述錄 目 跋 不以世代為序之意也又云撮其大要別為錄目因載 先後盖取多而未已故隨其所得而錄之此公述干卷

列碑石所在及其名氏歲月初無難者何未暇之有是皆! 無恙後三年方薨然續跋繞十餘耳不應多踰百篇得 偹存當時卷帙之次第既以便今亦不失其初云 撰出于一手其歲月相通則類而次之又于每卷之木 皆随年代為之序庶幾時世先後秋然不紊間有書 可疑姑以裴所記附公本序之後而自周秦至于五 季| 云為十卷附跋尾之後今錄目自為一書乃二十卷 不 週 非寫本誤以三百為二百或非記在照寧之前耶集又

文三日年 在 唐

文忠集

商尚父牵牲毛叔鄭奉明水則此銘謂鄭者毛叔鄭也 於扶風而有此銘原父為予考按其事云史記武王克 器物能讀古文一一名識者知其人事蹟而長安秦漢 興軍路安撫使其治在長安原父博學好古多藏古奇 右毛伯古敦銘嘉祐中原父以翰林侍讀學士出為永 故每有所得必模其銘文以見遺此敦原父得其盖 都時時發掘所得原父悉購而藏之以予方集録古 古敦銘 リ毛伯敦 製白と 龔伯屛 伯 庐 父耿

決 足 日 華 A Man 1 集録最後得此銘當作録目序時但有伯冏銘吉日癸 己字最遠故叙言自周穆王以来叙已刻石始得斯 銘稱伯者爵也史稱叔者字也敦乃武王時器也盖余 銘乃武王時器也其後二銘 一器銘文皆完可識具列如左 亦得扶風曰伯庶父作舟姜尊敦皆不知為何 D 文忠集 参告王十 得盩屋 白龔伯尊 右真蹟

区是形 4 ) 解 谷 光 命 9 粉合 しる類


ع 9 **体命鄭用作朕皇考龔伯尊敦鄭其鬻壽萬年無** 伯入門位中庭右祝鄭王呼內史冊命鄭王曰鄭 女赤带同晃齊黃綠旂用事鄭 惟 先王既命女作邑 先伯 5 年正月初吉王 王内 孫孫永寶用享 ٢ 既門 伞立 ₹汝中 作廷 色估 文繼视王薛县五部在尚 許五邑 在 周 色王周功 昭宫丁亥王格于 祝呼邵释 )祝今余佳亂商乃命錫 今内宫云 **余史**丁惟 惟丹亥二 稽首敢對揚 疃命王年 京船格正 乃王于月 命曰宣初 天 錫郝樹吉

爱世堂 **展作皇祖懿公文公武伯皇考龔伯尊奏異其熙萬** 龔伯桑銘 皇考其伯等敦那其眉青黄變旂用事那拜稽首敢 心異多 心を含

月月

萬對

年揚 無天



00 8 周功 図 徳 同爿 えって 城門銘 ê 鲁 建 审 8 多更 嶅 \$

欽定四庫全書 博學無所不通為余釋其銘以今文而與南仲時有 能讀古文篆籀為余以今文寫之而闕其疑者原甫在 長安所得古奇器物數十種亦自為先春古器記原甫 右原甫既得鹍韓城遗余以其銘而太常博士楊南仲 流略件冥孫子三勳是 **从一百三十四** 

寶尊門用康頓妥懷遠邦君子晋美用斯〇〇 康壽 作惠〇亟萬年無疆用徳畯保其孫子三壽是利 剿虔不0000旨寵我萬民嘉遺我錫鹵麥干兩 **参澐文佚○○○○○征經○○堅久吉金用** 右原父所寫如此

同故并者二家所解以英博識君子具之如左右真蹟

惟王九月乙亥晋姜曰余惟司朕先姑君晋邦余不

〇安寧亞雝明徳宣〇我猷用〇所辭辟〇〇〇〇

欽 定四庫全書 門用康題及字妥為終襄越切君子晋姜用斯 晋邦余不見教命作前安寧亞 總難明德宣那 為聖語 學車車自即情我萬民乳邊我护守該魯該學車車事自即情我萬民乳邊我护 宇省 過門在發疑縣湯縣以受久吉金用戶作寶博 匈或胃 即我爾用留房辞辟極好事勢久光剝度不象 惟王九月乙亥晋姜曰余佳惟司嗣早朕先姑 該為看有少選與為亞拉萬季無疆 齊干兩勿濟文矣類令畢好 早 大忠 第

故住司亞自臣等字皆假借也鄭司農説周禮云古 百年用徳晚好九保的其孫子三萬是粉 無所依據難以臆斷大抵古字多省偏菊而超簡易 能盡通其作字之本意也其不傳者今或得於古器 慎華多無其說盖古之事物有不與後世同者故不 樂安公以南仲職典書學命釋其字謹按其銘盖多 古文奇字古文自漢世知者已稀字之傳者賈逵許 右嘉祐已亥歲馮掖有得門韓城者東其欽識于石

九三日報公書 一大忠集 皆以聲假借也鹵以卤字面中象鹽形胃門上象胃 宇用米為聲盖古文魯旅者三字通用故語疑為諸 **改疑為雖** 者書儀但為義又云古者立位同字古文春秋經公 為歌快母从女而象乳子形故娅疑為母而雞讀為 即位為公即立者是也 叙者進取也从受敌复疑 易者篆文象蜥易形故印疑為易而讀為錫為賜 雝 用邕春邕从似古文作邕今此翳从水从吕 魯宇古作农即成古文旅作米而省者

之串而說文不載豈非書字之省也故疑書讀為貫 字从之事或即母字令毛詩有串夷字俗用為串軍 語二字相屬者多為一字書之岩泰鍾銘有字孙房 甲下两甲故县疑為甲本恐借母母象穿實貨形貫力放力在故上在故县在本恐借母者从大在甲下左 古者尚中教形故國胃二字 甲者从大在甲下左 古者尚 力之字是也內古西字故優疑為西夏字 春姓好亦 通从辶凡从辶彳之字多通用故循疑為通 古 妥字説文無之盖古綏字省糸爾其後相承讀如

**慶今幡尚許刃而蒙也之蒙月用之為聲詩見緊** 在慶又省為麼易繁醉慶又讀如尾數門尾眉聲相 悉載於車故疑解即旂字而从車借讀為祈近當有 疑為眉 得敦藍田者二銘皆有用解萬書之文故知然也 近又古者字音多與今異亦音 此是堂屬百亦同音數秦鍾銘亦有赏為字故覺 為者母猴也从瓜而象其形故옕為為 放 皓石皷文皆作 约古之旌旂 17 力亦者仍它皆心 如色亦音

曹觀石鼓文爱其古質物象形執有遺思馬及得原 盡淺學以塞公命云爾 晚宇宇書所無而於文執室為先盖用剛省聲也它 今揆之其間或當時書者錢器者不必無謬誤矣站 刃抄之類皆今所不傳以小篆参求之不能彷彿以 字不可識者猶十一二與其偏有之異者若計以於 楊南仲識 嘉祐壬寅冬十月太常博士知國子監書學豫章

欽定四庫全書 以

皇且考用气麋壽萬年無疆子子孫孫永寶用難公不 有四月既死霸王在下都雖公讓作時門用追享丁子 右商維門銘者原南在長安時得之上維其銘云惟十 知為何人原甫謂古丁寧通用蓋古字簡略以意求之 甫門器銘又知古之蒙字或多或省或移之左右上 故古文所見者止此惜哉治平甲辰正月前陽祭 下惟其意之所欲然亦有工拙秦漢以来裁歸 商維門鉛真蹟

余為校勘時常閱于秘閣下景祐中修大樂冶工給 學士句中正工於篆稿能識其文曰顧也遂藏于祕 上為方萬中設銅革可以開闔製作甚精有銘在其側 時長安民有耕地得此風初無識者其狀下為門王足 右古器銘六余嘗見其二曰顏也質穌鍾也太宗皇帝 治平元年中伏日書 得雨而蔡君誤謂十有四月者何原南亦不能言也 實 註 字起非在

右古器銘四尚書屯田員外郎楊南仲為余讀之其 朴為有法也嘉祐八年六月十八日書 **脩樂皆以朴鐘為非及得寳龢其狀正與朴** 鑄編鐘得古鐘有銘于腹因存而不旣即寳龢鐘也 <u>.</u> 知大常禮院時嘗於 太常寺按樂命工叩之與 則清聲合初王朴作編鐘皆不圓至李照等 和林鐘其文磨滅不完而字有南仲不能識者其 į 同 1. 1. 19/ 货五 文忠年 實教 右真蹟 鐘同 乃

家居書古真蹟 自余集録古文所得三代器銘必問於楊南仲章 藏古器銘多如此 也治平元年七月十三日以服樂 季其萬年子子孫孫永賓盖 曰惟王四年八月丁亥散季肇作朕王母弟姜寶敦散 **曰寳益其文完可讀曰伯玉般子作寳孟其萬斯年** 孫孫其永寶用其三其四皆曰實敦其銘文 亦同 一敦而二 | 銘余家集録所

定匹库全意|

**暨集録成書而南仲友直相繼以死古文奇字世军婚** 

於終南山下其形制與今三禮圖所畫及人家所藏古 右終南古敦銘大理評事蘇軾為鳳翔府判官得古器 者而三代器銘亦不復得矣治平三年七月二十八字 敦皆不同初莫知為敦也盖其銘有寶尊敦之文遂以 宇孟饗攝事太朝齊宫書 右兵顶 終南古敦銘 叔高父凌簋銘 古集本 文忠集

大型 日本 人

家作簋亦外方内圆而其形如桶但於其盖刻為龜形 方内圓而小墳之似龜有首有尾有足有甲有腹今禮 右凌簋銘曰叔髙父作凌簋其萬年子子孫孫永寳用 原父在長安得此簋於扶風原南曰簋容四升其形外 宋 身 少 止 斯 濫 鱼 麗 考 先 類 引 顧用 **兴 首 中 占 新 然 台 登 考 华 教 派** 巴月白言 老一百三十四 此盖銘 此腹銘

右 城置垣此山遂以為名癸己誌其日也圖經所載如此而 平元年六月二十日書右其時 也故并録之以見君子之於學貴乎多見而博聞也治 其説不見其形制故名存實亡原甫所見可以正其繆 縣南十三里穆天子傳云穆天子登發皇山生 周穆王刻石曰吉日癸已在今赞皇壇山上堰山 在 宇與原南所得真古蓋不同也守君誤以謂禮家傳 周穆王刻石 有以望臨

ととい

<u>+</u>

書右真蹟 右伯冏敦銘曰伯冏父作周姜寳敦用夙夕享用斯萬 字龕于州解之壁間者為之嗟惜也治平甲辰秋分日 於壇山模此字而趙州守將武臣也遽命工鑿山取其 蹬 但云登山不言刻石然字畫亦奇怪土人謂項山為馬 欽定四庫全書 人 又别有四望山者云是穆王所登者山 山以其包字形類也處思中宋尚書祁在鎮陽遺人 敦腫銘 周姜霓敦 張伯貴匪 作旅移天子傳

知其可知者久而不朽也然岐陽石鼓今皆在而文字 斯敦之作在共和前五世而遠也古之人之欲存乎久 夷属五王而至於共和自共和至今盖干有九百餘年 數共和以後接乎春秋年數乃詳盖自穆王傳共孝懿 穆王時器也按史記年表自属王以上有世次而無年 壽尚書岡命序曰穆王命伯岡為周太僕正則此敦周 缺者十三四惟古器銘在者皆完則石之堅又不 者必託於全石而後傳其堙沈埋沒顯晦出入不 ... J. J. ...

恃是以古之君子器必用銅取其不為燥濕寒暑所變 嘉祐六年原父以翰林侍讀學士出為永興軍路安撫 不知何人也二銘皆得之原父也方集本 為可貴者以此也古之賢臣名見詩書者常為後世想 使其治在長安原父博學好古多藏古奇器物而咸錦 一别得其器讀其文器古而文奇自可寶而藏之邪 定匹庫全書 一 張伯區銘曰張伯作煮區其子子孫孫永寶用張 敦医銘 伯冏敦 張仲医

在尚冀或傳爾不然何丁寧重複若此之煩也其於 **愿遠也知夫物必有弊而百世之後埋没零落幸其** 載盈車而以其二器遺余其 医梭其二皆有盖而上下皆銘銘文皆同甚矣古之人 仲之医其形制典今不同而極精巧敦医皆有銘而云 錄自周武王以來皆有者多得於原父也歸自長安所 周春故都其荒基破家耕夫牧兒往往有得必購而藏 以余方集録古文乃模其銘刻以為遺故余家集古 大忠集 日伯冏之敦其一

**飲定四車全書** 

史公表次三代以来自共和以後年世乃詳盖自共 **苟二子名見詩書伯冏周穆王時人張仲宣王時人太** 元年遠今千有九百餘年而穆王又共和前五世可 用器為應猶如此則其操脩施設所以垂後世者必 美而斯器也始獲於吾二人其中間晦顯出入不 可以不傳故為之書且以為贈我之報歐陽脩記 以其無文字以志之也盖其出或非其時而遇或非 者物有幸不幸也今出而遭吾二人者可謂幸 謂

たこり 阜 A A A A 30年中世代 **黛其**願 止之金金钱蜂發 張仲器銘集本 無其 ⊗ >川其東光 邦師授 製製熊 文忠乐 鸡 正正言 羟羧 3 召名创创 Œ 医 经 用

3E 張或, 7É 張 失第 犮 東貴 止之全金群 死 中 中 医锯趾四而之 盤號 ≥1其 分注釋文四 上上 舒飲 銓 則一 鈌 光諸時 知受影 膙 遊遊 字於其下 经数 注偏傍 殭疆 8 女 簠 酊 褔

用字如此爾嘉祐中原父在長安獲二古器於藍 -器銘四其文皆同而轉注偏傍左右或異盖古 五十 绢 仲 赤老 男 門葬款識有 帥斜 字 が能像界 畀 附見於 文忠集 飱 壽 召剑 雷 Ŧ ١Ŧ

傳爾不然何丁寧重複一作若此之煩也詩六月之空 與吾二人者相期於二千年之間可謂遠矣方仲之作 章曰候誰在矣張仲孝友盖周宣王時人也距今實干 九百餘年而二器始復出原甫藏其器予録其文盖仲 夫物必有弊而百世之後埋沒零落幸其一在尚冀或 器也豈必期吾二人者哉盖久而必有相得者物之 制皆同有盖而上下有銘甚矣古人之為慮遠也知 理爾是以君子之於道不汲汲而志常在於遠大也

欽定四庫全書 一

右石鼓文岐陽石鼓初不見稱於前世至唐人始盛稱 其銘文五十有一其可識者四十一具之如左其餘 原甫在長安得古器數十作先素古器記而張仲之器 退之直以為宣王之鼓在今鳳翔孔子廟中鼓有十 之而幸應物以為周文王之鼓一有宣王刻詩一有 俟博學君子 散棄于野鄭餘慶置于廟而亡其一皇祐四年向傳 石鼓文 欠忠県 Ì

之外三代文章真蹟在者惟此而已然自漢已来博 按太史公年表自宣王共和元年至今嘉祐八年實干 師求於民間得之一有十通足其文可見者四百六十 飲定四庫全書 有九百一十四年鼓文細而刻淺理宣得存此其可疑 此然其可疑者三四今世所有漢桓靈時碑往往尚在 距今未及干歲大書深刻而磨滅者十猶八九此鼓 也其字古而有法其言與雅頌同文而詩書所傳 二字不可識者過半余所集録文之古者其先於

廬陵歐陽其記嘉祐八年六月十日書 古其時 妄者余姑取以為信爾至於字畫亦非史籀不能作也 知章韓二君何據而知為文宣之鼓也隋唐古今書籍 好奇之士皆畧而不道此其可疑者二也隋氏藏書最 所載古遠奇怪之事類多虚誕而難信況傳記不載 多其志所録秦始皇刻石婆羅門外國書皆有而獨無 石鼓遺近録遠不宜如此此其可疑者三也前世傳記 備豈當時猶有所見而今不見之耶然退之好古 Led 1. d.in Ty 文忠集 -+ --

知為何器其上有銘循環刻之乃前一銘也其一乃 **隗林當依此銘作隗狀遂録二銘載之家訓余之得此** 右秦度量銘二按顏氏家訓隋開皇二年之推與李德 見長安官庫中所藏泰鐵稱權傍有鐫銘二其文正 銘也通在私閣校理文同家同蜀人自言當遊長安 此二銘同之推因言司馬遷秦始皇帝本紀書丞相 秦度量銘 二物其上刻二銘出以示余其

卸定

匹庫全書

國十有二公按史記秦本紀自非子邑秦而秦仲始為 右秦昭和鍾銘曰秦公曰不顯朕皇祖受天命奄有 **钦並録之云嘉祐八年七月十日書**右真蹟 意秦時兹二銘刻於器物者非一 理陸經家得 載正同然之推所見是鐵稱權而同所得乃! 方版可三四寸許所刻乃後 וווו שוד וץ דביי 秦昭和鍾銘 銅版所刻與前一銘亦同益知其然也 銘也考其文與家訓所 也及後又於集野校 一銅器

たこう

文忠集

-+-

據本紀自襄公始則至桓公為十二公而銘鐘者當為 景公也敌並列之以俟博識君子治平元年二月社前 成公移公康公共公桓公景公相次立太史公於本紀 大夫卒莊公立卒襄公文公寧公出公武公德公宣公 云襄公始列為諸侯於諸侯年表則以泰仲為始今據 日書右真蹟 **交四月百日** 表始泰仲則至康公為十二公此鐘為共公時作也 秦祀巫咸神文一作秦誓文

家自成王以後王名有熊良夫熊適熊槐熊元而無熊 於秦昭王時吳伐楚而秦救之其後歷楚惠簡聲悼肅 五王皆寂不與秦相接而宣王熊良夫時秦始侵楚至| 今以世家考之自成王十八世為項襄王而頃襄王名 相據文言穆公與成王盟好而後云倍十八世之詛盟 右秦祀巫咸神文今流俗謂之詛楚文其言首述秦穆 公與楚成王事遂及楚王熊相之罪按司馬遷史記世 不名熊相又以秦本紀與世家參較自楚平王娶婦

威德臣去疾御史大夫臣德其文與峄山碑泰山刻石 右秦篆遗文纔二十一字曰於久遠也如後嗣馬成功 懷王熊槐頃襄王熊横當秦惠文王及昭襄王時秦楚 繆但史記或失之爾疑相傳寫為橫也 屢相攻伐則此文所載非懷王則項襄王也而名皆不 同又以十八世數之則當是項襄然則相之名理不宜 世部語同而字畫皆異惟泰山為真李斯篆爾此造 之界山春蒙遺文集本

飲定四庫全書 一

作漆器不以二人之惡而廢萬世之利也篆字作 有可以用於世者不必皆賢聖之作也虽尤作五兵紂 右秦二世詔李斯篆天下之事固有出於不幸者矣尚 甫所謂棗木傳刻肥失真者邪 者或云麻温故學士於登州海上得斥木有此文豈杜 ·法出於秦李斯斯之相秦焚棄典籍遂欲滅先王之 而獨以已之所作刻石而示萬世何哉十四年一 秦泰山刻石 作言李斯篆後 集本

言峄山砰非真而杜甫直謂東木傳刻爾皆不足貴 球家者以今市人所閣校之無異一無此 碑者史記不載又其字體差大 無此 者其本出於徐欽 上二世 何其思哉 世立又刻記書于於 余友江鄰幾 体版 商官於奉符當自至泰山頂 ふ 宇韶僅在所一年存數十字爾今俗傳 可与按史記秦始皇帝行幸天下凡六刻 六一字無 又有别本云 作其旁今皆亡矣獨泰山 100 六 字 宇自唐封: 山宇出於 大作 小類春

定四庫全書

右秦峄山碑者始皇帝東巡羣臣領徳之辭至二世 時 若此之久一有然風雨所利其存者繞此數十字一 丞相李斯始以刻石今峄山實無此碑而人家多有傳 也然而作其一 一视秦所刻石處云石頑不可鐫鑿不知當時何以刻 而已本都幾遺余也比今俗傳峰山碑本特為真者 性後字都幾無此十九字 此十九字只 秦嶧山刻石 四面皆一有無草木而野火不及故能

飲定四庫全書 又 六月立秋日右真蹟 右鄒嶧山泰二世刻石以泰山所刻較之字之存者頗 数十字尚存以較摸本則見真偽之相遠也治平元年 所模文實又言當親至峄山訪秦碑其發遂以每所模 門人也曾受學於往亦見稱於一時此本文寶云是往 者各有所自来皆徐鉉在江南以小篆見名鄭文寶其 石於長安世多傳之余家集録別藏泰山李斯所書 同前 一作泰二世詔

差小又不類泰山存者刻畫完好而附錄于 存者而泰山之石又滅盛徳二字其餘則同而峄山字 皇帝所為也今襲號而金石刻凡二十九字多於泰 多而磨滅尤甚其趙嬰楊樛姓名以史記考之乃微可 辨其文曰大夫趙嬰五大夫楊樛皇帝曰金石刻盡始 青州而附之熙寧元年秋九月六日書 難得兼資博覽爾盖集錄成書後八年得此于 前漢二器銘林華宮 行錘 成月見本文 右真踌 14

**欽定四庫全書** 右林華宮行鐙銘一連勺宮銅博山爐下裝銘一皆漢 五鳳中造林華官漢書不載宣帝本紀云困於蓮勺鹵 注云縣也亦不云有官盖秦漢離官别館不可勝數 因事見之則史家不能備載也余所集録古文自局 兩五鳳二年造第一今附墨本上呈 劉原父帖 銅器刻其側云林華觀行發重一斤十四 表一百三十四 文忠集

移王以来莫不有之而獨無前漢時字求之久而不獲

每以為恨嘉祐中友人劉原甫出為永興守長安秦漢 者原甫也故特誌之嘉祐八年歳在癸卯七月二十日 而為日滋久求之亦勞得於人者頗多而最後成余志 時字以足余之所闕而大價其素願馬余所集録既博 銘其後又得谷口銅甬銘乃甘露中造由是始有前漢 颇多而以余方集古文故每以其銘刻為遺既複此二 得之遂復傳於人間而原甫又雅喜藏古器由此所獲 都多古物奇器埋沒於荒基敗家往往為耕夫牧野

文电系

·

書力真蹟 文字惟此與林華行韰蓮勺博山鑪盤銘爾治平元年 斤始元甘露皆宣帝年號 有分所集録干卷前漢時 馮翊府下滅一字原父以今權量校之容三斗重十 甬容十其下滅兩字始元四年左馮翊造其後銘云谷 右漢谷口銅甬原父在長安時得之其前銘云谷口銅 銅角容十斗重四十斤廿露元年十月計核章平 前漢谷口銅角銘成月見本文

飲定四庫全書

六月九日書 鐙制作精巧因辨其刻則黃龍元年所造其言祭官 西漢字耳煜守丹陽日蘇氏者出古物有銅鴈足 好事者所為非漢字也侍坐語及公亦謂家集所闕 有王原权言華州片无有元光字急使人購得之乃 煜頃嘗謂周秦東漢往往有銘傳於世間獨西漢無 裴如晦帖 前漢為足發鉛到百紀共為一卷 ). 1. W 右真蹟 文忠集 Ē

釦 甫卒于南都二人皆年壯氣盛相次以殁而余獨歸然 後三年余出守亳社而裴如晦以疾卒于京師明年原 而存也熈寧壬子四月 甫於秦中得西漢數器不知文字與此類不煜再拜 治平元年十 四库全意 一史間未始概見遂摹之欲寄左右以為集古録之 事會悲苦不果昨偶開篋見之謹以上獻亦聞原 後漢西歌華山廟碑成月見本文 卷一百三十四 右真蹟

祠自是以来百有餘年所立碑石文字磨滅延熹四年 虚建武之元事舉其中禮從其省但使二千石歲時往 使者持節歲一 其下官曰集靈官殿曰存像殿門曰望像門中宗之世 髙祖初興改泰滛祀太宗承循各詔有司其山川在諸 右漢西嶽華山廟碑文字尚完可讀其述自漢以来云 弘農太守袁達脩廢起頓易砰飾闕會遷京兆尹孫府 侯者以時祠之孝武皇帝脩封禪之禮廵省五截立宫 大乙ョ be 2. dan 一禱而三祠後不承前至於亡新寫用丘 文忠集 Ŧ

雲雨座萬物通精氣有益於人則祀之故帝舜受堯親 廣十里周禮職方氏華謂之西嶽祭視三公者以能 興 右漢樊毅華嶽碑云泰華之山削成四方其髙五千仞 不為無益矣一無此治平元年閏五月十六日書右真蹟 自巡省暨夏殷周未之有改秦建其典壁遗部池二 世 謂集靈宮者他書皆不見惟見此碑。 君到欽若嘉業遵而成之孫府君諱璆其大略如此所 **反匹月全是** 後漢樊教華敬碑成月見本文 丽字則余之集録

墙屋倾亞特部行事首班縣令先讓以漸補治此其事 其文彬彬可喜惟以周禮職方氏為識方氏其字畫分 也又云功曹郭敏等遂刊玄石銘勒鴻勲其字畫頗完 밙 明非訛缺疑當時周禮之學自如此盖識誌其義皆通 足回車全書 文忠集 

逆鬼神不享建武之初彗掃頑凶光和二年有漢元舅

五侯之胄謝陽之孫曰樊府君諱毅字仲徳命守斯邦

孟冬十月齊祠西嶽以傳窄狹不足處尊早廟舎舊久

以亡漢祖應運禮遵陷唐祭則獲福亦世克昌亡新滔

右漢樊毅脩華嶽廟碑云惟光和元年歳在戊午名曰 也治平元年五月十日書右真蹟 同前

咸池季冬己己弘農太守河南樊君諱毅字仲徳下車

窄法齊無所於是與令巴郡朐忍先讓圖議繕故二年 之初恭肅神祀西嶽至尊詔書奉祠躬親自往齊室逼

立而太守生稱韓者何哉治平元年末伏日書力真蹟

正月己卯典就刻益碑號吏卒扶路據此碑乃即時所

華陰令先讜以漸繕治成就之又曰讜言縣當孔道 久遠有垢臣以神嶽至尊宜加恭肅輒遣行事首班與 其十二月奉祠西嶽華山省視廟舎及蘇衣祭器率皆 首頓首死罪死罪謹按文書臣以去元年十一月到官 十三日壬午弘農太守臣毅頓首死罪上尚書臣毅頓 右漢脩西嶽廟復民賦碑云光和二年十二月庚午朔 奉尊嶽-|歳四祠養牲百日用穀葉三干餘斛或有請 後漢脩西嶽廟復民賦碑成月見本文 文忠集 ÷

宣詔書思惟惠利增異復上臣毅誠惶誠恐頓首頓首 首尾以傳臣毅者樊毅也右集本 乞差諸賦復華下十里以內民租田口臣輒聽盡力奉 **砰颇多故於磨滅之餘時見一二而此碑粗完故錄其** 死罪死罪上尚書漢家制度今不復見惟余家集錄漢 右漢北嶽碑文字殘滅尤甚英詳其所載何事弟其隱 雨齊禱役費兼倍小民不堪有饑寒之窘違宗神之敬 定四庫全書 後漢北嶽碑成月見本文 集本

書男子常山盖髙上黨范遷為元氏三公神山去年五 見者尚可成文云太常臣躭丞敏頃首上尚書謹按文 右漢無極山神廟碑文字磨滅斷續然尋繹次序其可 甘陵夏方字伯陽其餘則莫可考矣 文其後有二人姓名偶可見云南陽冠軍馮廵宇季祖 可次序盖多言珪幣牲酒黍稷豐穰等事似是禱賽之 後漢無極山神廟碑歲月見本文 文之集

隱可見者曰光和四年以此知為漢碑爾其文斷續不

文已日奉 A B

羊

食臣疑高選言不實輔移本國今常山相巡書言郡 封龍靈山無極山共興雲雨常山相巡元氏令王翊 周匝二十餘里其三公封龍靈山皆得法食乞令無 郵言無極山體可三里所立石為體長二丈五尺所 月常山相巡話山請雨山神即使高傳言白國縣即 給珪璧故事須報臣躭愚戆頓首頓首上尚書制 比三山祠牲出王家以珪璧為信愚臣如廵言請 白羊賽後使高與選俱指太常為無極山神索法 是一百三十四 各

於至日華 ← Am 祖元氏令王翊字元輔云治平元年四月二日書時 晓其制碑後又列常山官屬云常山相南陽馮巡字 所載太常奏寺首尾不稱死罪而丞敏又不稱臣莫 章首尾皆言臣某顿首顿首死罪死罪上尚書而此碑 章如此其後遂言造廟事而有銘其文多不載按漢奏 十七日丁酉尚書令忠下太常姚丞敏下常山相其奏 可尚書令忠奏稚陽官太常承書從事光和四年八 後漢桐栢朝碑成月光本文 击

祠崎嶇通狹開拓神門立闕四望增廣壇場又云執玉 侯聖漢所尊? 太守中山盧奴君奴下正闕一字當是其姓又云尊神 右漢桐栢廟碑磨滅雖不甚而文字斷續粗可考次盖 徳 仲尼慎祭常若神在君準則大聖親之桐栢来見廟 行事簡畧不敬明神弗歆災害以生五嶽四瀆與天合 `礼立廟桐栢春秋宗榮災異告變水旱請求位比諸 陽太守脩廟碑也其辭云延熹六年正月乙酉南陽 作太守奉祀二十餘年不復身至遣丞 巻一百三十四

為陝西都轉運使為余模此本云碑文已磨滅初不 蹟右 真 右漢殺院君神祠碑在鄭縣慶歷中樞密直學士施君 其後有頌亦可讀第不見太守姓名爾然不著他事惟 俗廟祀神爾桐栢淮濱廟也治平元年六月十三日書 以沈為民祈福靈祗報祐天地清和其大意止於如此 以超填其刻稍尋其點畫命工銷治之乃可 後漢般院君神祠碑光和四年

於 足 日 事 公 香 ·

**上忠集** 

右某本 始脩復之事見水經及華州圖經發院君祠今謂之五 部神廟其像有石隄西戍樹谷五樓先生東臺御史王 名為鄉人錢去矣殺防所以畜洩水患據碑文云自亡 今在者類多磨減不完故斯碑思思可見也惟裴晔 将軍皆莫晓其義施君名昌言今為涇原路安撫使 文忠集卷一百三十四 以来廢之則前漢時已有之矣光和中曄為鄭縣令

C 2. 1 1 2 2 4 5 1 欲人莫知名曰靈臺上立黄屋堯所奉祠三代改易荒 龍而生竟遂以侯伯恢践帝即有慶都應沒盖葬于兹 右漢堯母碑漢建寧五年造其文略曰堯母慶都感亦 瘵不脩漢受濡期興滅繼絕如堯為之遂遭亡新禮祠 文忠集卷一百三十五 集古録跋尾第二 後漢堯母母成月見本文 文忠集 宋 歐陽修

絕矣故廷尉私名唐城深惟大漢堯之苗胄當脩堯祠 於此碑盖亦葬城陽也而諸書俗本多為城陽獨此碑 家在濟陰城陽吕氏春秋云堯莽榖林皇甫謐云榖林 陰太守魏郡審晃成陽令博陵管遵各遣大禄輔助 遠復舊前後奏上帝納其謀歲以春秋奉太牢祠時 定匹库全意 成陽當以砰為正砰後列當時人名氏又云審見字 城陽然自史記地志及水經諸書無堯母葬處惟見 若經之管之不日成之此其大縣也按皇覽云克 卷一百三十五

**讀也碑後有年月盖熹平四年建也治平元年五月晦** 南張寵到官始初出錢二干敬致禮祠其餘不能。 見而不復成文其後有云李樹連理生於堯祠太守河 而垣場夷替屏牖其蹟 右漢堯祠碑在濟陰碑云帝堯者盖昔世之聖王也又 日聖漢龍與養竟之緒 祠以上 機至于王莽絕漢之業 元讓管遵字君臺又云漢受濡期莫晓其義也右集本 後漢堯祠碑哉月見本文 一無位大抵文字磨滅字雖可 作

於足引車 4·4·

文忠集

日書右真蹟 祈雨於堯祠也堯祠在漢濟陰郡孟府君者當是濟陰 古之禮舞先王之樂又云延熹十年仲春二月陽氣侵 右漢克祠祈雨碑首尾殘滅其僅可識者有云股肱賢 又云孟府君知堯精靈與天通神脩治大殿以此知為 陰又云享祀羣神仰瞻雲漢又曰嘉澍優霑利茂萬物 良廣祈多福度度夙夜又云常以甲子日詔太常陳上 後漢堯祠祈雨碑成月見本文

卷一百三十五

檢邕集無此文皆不可知也方真時 左悼之苦縣祠老子至十一月又遣中常侍管霸祠之 右漢老子銘按桓帝本紀云延熹八年正月遣中常侍 可次序爾右集木 郡太守也其餘隷字完者頗多亦往往成句但斷續 此碑云八月夢見老子而祠之世言碑銘蔡邕作今 後漢老子鉛成月見本文 後漢魯相置孔子廟卒史碑成月見本文

守廟謹問太常祠曹掾馮牟史郭玄辭對故事辟雍祠 演易繁辭經緯天地故特立廟褒成侯四時来祠事已 首言魯前相琰書言詔書崇聖道孔子作春秋制孝經 右漢魯相置孔子廟卒史碑云司徒臣雄司空臣戒 稽 戆誠惶誠恐頓首頓首死罪死罪臣稽首以聞制曰可 羊豕大司農給米臣愚以為如瑛言可許臣雄臣戒愚 先聖太宰太祝各一人備爵太常丞監祠河南尹給牛 即去廟有禮器無常人掌領請置百石卒史一人典主

飲定四庫全書

治平元年六月二十日書右兵版 在者多磨滅此幸完可讀錄之以見漢制三公奏事如 云臣雄臣戒是也魯相政者據碑言姓乙字仲卿漢碑 按漢書元嘉元年吳雄為司徒二年趙戒為司空即此 此與羣臣上尚書者小異也又見漢祠孔子其禮如此 作在活難霜月之靈皇極之日永壽桓帝年號也按 京韓明府脩孔子廟器碑云永壽二年青龍二 後漢脩孔子廟器碑! 作 炭月見本文

**欽定四庫全書** 擅名當世然其筆力辭氣非出自然與夫楊馬之言醇 之靈皇極之日其號其義疑是九月五日前漢文章之 改元永壽明年八方成內中日歲在活難是矣云霜月 余學之不恃乎春秋左氏傳載古人命名之説不以為 明府者名物字权節前世見於史傳未有名物者豈自 醣具味矣及其末也不勝其弊霜月皇極是何等語韓 盛庶幾三代之統深自建武以後頓爾衰薄崔恭之徒 爾雅云歲在申曰涒灘桓帝永興三年正月戊申大赦

首頓首死罪死罪臣以元年到官行秋饗飲酒泮宫復 右漢魯相上尚書章其畧云建寧二年三月癸卯朔七 右真蹟 日已酉魯相臣晨長史臣謙頓首死罪上尚書臣展頓 名者颇多故以勃為名者少也治平元年二月晦日書 後漢魯相展孔子廟碑歲月見本文

文忠集

禮孔子宅而無公出酒脯之祠臣輒依社稷出王家 榖

飲定四庫全書 家集録漢碑頗多亦有奏章患其磨減獨斯碑首尾完 靈雅日丘生倉除觸期務度為亦制議 緯不經不待論 漢制作故孝經接神契曰玄丘制命帝卯行又尚書考 備可見當時之制也又云孔子乾坤所挺西狩獲麟為 而已我治平元年三月廿五日書方真政 而可知甚矣漢儒之狭陋也孔子作春秋宜區區為漢 稱頻首死罪而不敢斥至尊因尚書以致達而已余 後漢碑陰題名成月未詳 卷一百三十五 里多不完又時時有故吏字不知為何人祠廟第以漢 南鄉鄧升升遠濟陰成武周鳳季節而其餘人姓名邑 **颢子威山陽金鄉張諺季德河南宛陵趙堂世長南陽** 四字則似是脩廟人所記其人可見者有濟陰定随祭 百至五百今斯碑所題文字缺滅而中間有錢各五 百 多其陰往往列脩廟人姓名并記其所出錢數不遇三 失其所得之自然漢碑存於今者惟華嶽與孔子廟最 右漢碑陰題名不知為何人碑余家集錄古文既多或

2

5

1. 4.15

文忠集

難得録之爾治平元年閏五月八日書右真時 同前

孔子廟中最多其碑陰題名者往往各書所出錢數 五百四字似是漢時脩廟人爾漢碑今在者惟華嶽 或失其所得之處又其文字磨滅莫可考究惟有錢各 右漢碑陰題名不知為何碑之陰盖余家集録既多而

遇三百五百也而此碑所列邑里姓名字完可見者尚

餘人然皆是濟陰山陽彭城汝南陳留人則疑為

欠己ョ 右漢碑陰題名二皆不知為何碑陰其人各記所出錢 明彭城朱翔元舉右其時 成武周鳳季節山陽昌邑田涓元尊濟陰成武史楞世 諺季德河南宛陵趙堂世長南陽南郷鄧升升速濟陰 數似是漢時脩廟人題名余家集録華嶽及孔子廟碑 孔子廟人也今列于後覽者可以察馬濟陰定陶祭颢 于盛濟陰張翔李審陳留酸東季真顯節山陽金鄉張 I orth 17 Ton 同前 文忠集

右漢張公廟碑在黎陽而碑無題首又其文字殘滅 以供知者爾右集本 縣吏之名其隷字不甚精又無事實可考姑録其名號 曹騎吏有逆勺左鄉有秩池陽左鄉有秩池陽集丞有 生濟南東郡等字而姓名無復完者後碑則有議曹功 多如此此亦疑是二廟中碑前碑殘滅尤甚第時有門 皆不知是何名號又有關 後漢張公廟碑成月見本文 陽候長祋祤候長則是 真踌

謝契丹禮物遂歸休 平元年閏五月九日書是日奏事垂拱退召赴延和閱 徳芳其辭有云公與守相駕蜚魚在来倏忽遠喜娱祐 漢碑也又曰豐碑廟堂之前又曰於穆張公則又知為 此兆民寧厥居其餘字畫尚完者甚多但不成文爾治 張公廟碑矣又云國無災侵屢狼豐年作歌九章頌公 者曰惟和平元年正月丙寅和平桓帝年號以此知為 可考究莫知為何碑第時時得其字之可識而僅成文 文忠集

敛 谷口山上乃與君神藥曰服藥以後當移意萬里知鳥 左右莫察君獨進美瓜又從而敬禮之真人者遂與期 傳以為王莽居攝二年君為郡吏啖瓜旁有真人! 右漢公昉碑者乃漢中太守南陽郭芝為公昉脩廟記 獸言語是時府君去家七百餘里休謁往来轉景即至 公昉者初不載其姓名但云君字公昉爾又云耆老相 定四庫全書 一 )漢碑今在者類多磨滅而此記文字僅存可讀所謂 後漢公助碑 作仙人唐君碑

地為獄召鼠誅之視其腹中果有被具府君欲從學道 以為怪妄矣嗚呼自聖人沒而異端起戰國秦漢以来 来迎公昉妻子屋宅六畜翛然與之俱去其説如此可 忍去於是乃以樂塗屋柱飲牛馬六畜須史有大風雲 告以厄其師以樂飲公昉妻子曰可去矣妻子戀家不 頃無所進府君怒勅尉部吏收公昉妻子公昉呼其師 闔郡驚馬白之府君徒為御史! 展醫被具君乃畫

於奇辭怪說紛然爭出不可勝數久而佛之徒来自 西

文忠事

妄矣不待有力而後能破其感也然彼漢人乃刻之金 常患乎力不足也如公昉之事以語愚人豎子皆知其 雨五日中一日休務假書方真時 不從而惑也治平元年四月二十三日以早開宫寺祈 從之其卓然不感者僅能自守而已欲排其說而點之 夷老之徒起於中國而二患交攻為吾儒者往往牽而 石以傳後世其意惟恐後世之不信然後世之人未必 後漢析里橋那閉領成月見本文

定匹库全書 |

終済聞此為難其日久矣乃俾府據仇審改解危殆 會字伯都以建寧三年二月辛已到官思惟惠利有 俱隋 深長淵三百餘丈接木相連號為萬柱遭遇隤納人 常失日晷行理咨嗟郡縣所告斯溪既然郁閣尤甚臨 右溪源漂疾横注于道涉秋霖漉稽滞商旅休謁往還 右漢析里橋郁閉頌建寧五年立云惟斯析里處漢之 ? } } 求隱析里大橋於爾乃造又解散剧之潮深徒朝 作沈沒洪淵酷烈為禍於是太守阿陽李君諱 2. ALS : 文忠集

之平嫁減西島間就安寧之石道禹導江河以靖四海 右漢人關銘二其一曰永樂少府贾君與其一曰雒陽 子治平元年六月十日書右真時 完其云遭遇隤納又云醳散關之劇潔徒朝陽之平緣 經紀厥續文康萬里乃作頌曰頌後又有詩皆磨滅 又疑漢人用字簡畧假借不同爾故録之以俟博識君 刻畫適完非其訛繆而莫詳其義疑當時人語與今異 後漢人闕銘 成月末詳 真蹟

定匹月全 1

右漢文翁石柱記云漢初平五年倉龍甲戌旻天季月 則賈君者盖亦宦者也治平元年九月十五日書 者皆後漢時人也又按漢官儀長樂少府以宦者為之 皇后居永樂宫和平元年詔置太僕少府如長樂故事 今王君闕二者皆不知為何人按漢書桓帝母孝崇 按顏師古注地里志曰魚豢真為於云漢火行忌水 去洛水加佳師古謂光武以後始改為雖然則二 後漢文翁石柱記歲月見本文

書本紀初平五年正月改為與平顏說是也治平元年 無初平五年當是與平四字一作當如元年盖時天下 朕於玉堂東復造一石室為周公禮殿有意又謂獻帝 寺舎並皆焚燎惟石室獨存至獻帝興平元年太守高 堂作一年石室一名玉堂安帝永初間烈火為灾堂及 飲定四庫全書 | 喪亂西蜀僻遠年號不通故仍稱舊號也今檢范曄漢 學館廟堂記云按一無事陽國志文翁為蜀郡守造講 脩舊莊周公禮殿始自文翁開建泮宫據顔有意益州

大型可量 2. 4.5 六月十三日書右五時 日書右兵蹟 於此盖其磨滅之餘所存者此爾治平元年六月二十 事各一人司儀主事各二人左生七十三人右生三十 右漢文翁學生題名凡一百有八人文學祭酒典學從 文翁在蜀教學之盛為漢稱首其弟子著籍者何止 後漢泰山都尉孔君碑成月見本文 後漢文翁學生題名 文忠集

五月二十一日書方其時 於文為不類盖漢世近古簡質猶如此也治平元年閏 及人兼禹湯之罪已宙人臣而引禹湯以為比在今人 十九世之孫也年六十一延熹四年正月乙未以疾卒 右漢泰山都尉孔君碑云君諱宙字季將二字一孔子 二字其序官閥甚簡又或殘滅不完但見其舉孝康 **万四月全書** 郎遷元城令遂為泰山都尉爾其群有云躬忠恕以 後漢孔宙碑陰題名

右漢孔宙碑陰題名漢世公卿多自教授聚徒常數百 缺其姓名邑里僅可見者纔六十二人其稱弟子者十 右漢孔君碑其名字磨滅不可見而世次官閥粗可考 十九世孫為泰山都尉自有録治平元年閏五月二十 其親授業者為弟子轉相傳授者為門生今宙碑發 《門生者四十三人故吏者八人故民者一人宙孔子 日書右真蹟 後漢孔君碑成月見本文 真蹟

文 E D Mar A Maria

文忠集

**+** 

始累可見矣惟其名字皆亡為可惜也治平元年五月 守遷下邳相河東太守建寧四年十月卒其餘文字歷 歷可讀以其斷絕處多文理難續故不復盡録然其終 右漢孔徳讓碑盖其名已磨滅但云字徳讓者宣尼公 云孔子十九代孫賴川君之元子也舉孝廉除郎中 目長遭太守君憂服竟拜尚書侍郎治書御史博陵太 後漢孔徳讓碑一作 成月見本文

桓帝年號也一日都尉者其人作後東早卒無事蹟可 尺已可睡 4 年 右漢大尉車騎將軍特進逐鄉上守 二年七月遭疾不禄碑在今兖州孔子墓林中永與孝 無遺者盖以其文字簡少無事實故世人遺而不取獨 考余集録所藏一有獨礼林中漢一無碑最後得此遂 余家有之也治平元年閏正月二十日書方兵蹟 十世孫都尉君之子也仕歷郡諸曹史年二十永祖 後漢劉寬砰中平二年 文忠集 昭烈侯劉公碑 4

今人家碑碣非其子孫則他人不為立也治平元年六 與李謙等一作所載不異惟漢隸難得當録二字 月十四日書方真時 漢公卿自前故吏門生各自立碑以仲感慕惟見於此 [諱霓有兩碑皆在洛陽余家集録皆得之其 [漢大尉劉寬碑漢書有傳其官閥始卒與碑多同而 , 作立而此碑門生殷包等所此, 等立其所書

侍中屯騎尉宗正光禄勲遂授太尉傅至太中大夫始 震有詔詢典而拜尚書遷南陽太守拜太中大夫後拜 士未嘗拜也碑於長史下遂云入登侍中延熹八年地 傳但云大將軍辟五選司徒長史今據碑止四邊爾博 将軍以禮齊命拜侍御史速梁令三府並用博士徵皆 恩不足為失惟其終誤與闕其大節不可不正碑云大 不就司隷校尉舉其有道公車徵拜議郎司徒長史而 傳載遷官次序頗畧盖史之所記善惡大事官次雖小

於包日華全書 一

文忠集

霓子松之碑陰也霓以漢中平二年卒至唐咸亨元任 右漢太尉劉霓砰陰題名寬碑有二其故吏門生各立 闕也其餘皆同故不復録右集本 免拜衛尉以日食免當從傳為正而不書光禄大夫史 疾遜位拜光禄大夫遷衛尉復作太尉而傳云以日食 云遷侍中其前自長史入登侍中史闕書也碑又云固 也此題名在故吏所立之碑陰其别列於後者在 後漢太尉劉寬砰陰題名成月見本文

次己日華 A A A A 書所紀皆一有次序豈非譜緊源流傳之百世而 并記其世序嗚呼前世士大夫世家著之譜牒故自中 能識其父祖爾其可忽哉唐世譜牒尤備士大夫務以 自知其所出而昧其世徳遠近其所以異於禽獸者僅 自黄帝以来子孫分國受姓歷堯舜三代數干歲間詩 平至咸亨四百餘年而與能知其世次如此之詳也盖 不絕敗此古人所以為重也不然則士生於世皆莫 , 作城公爽以碑成入皆仆于野為再立之

大忠集

缺首尾不完其可見而僅成文者云聖漢龍興神祗降 右漢楊震碑首題云漢故太尉楊公神道碑銘文字殘 譜而已哉嘉祐八年七月二十九日書方真蹟 **族未嘗有家譜者然而俗習苟簡廢失者非一豈止家** 亦以有譜牒而能知其世也今之譜學亡矣雖名臣巨 于患之然而士子脩的喜自樹立兢兢惟恐墜其世業 世家相高至其弊也或陷輕薄婚姻附託邀求貨縣君 後漢楊震碑成月末詳

右漢楊震碑陰題名者一百九十人其餘磨滅不完者 矣治平元年六月十日書 声 真 時 茂材除襄城令遷荆州刺史東菜涿郡太守又云司徒 羣英雲集又云貽我三魚以章懿徳又云大將軍辟舉 又十餘人余家所録漢碑陰題名頗多或稱故吏門生 太尉立朝正色恪勤竭忠其餘字存者多而不復成文 後漢楊震碑陰題名真断

祉乃生于公义云窮神知變與聖同符鴻漸衡~

類凡百九十人者皆然疑其所書皆是字爾盖後漢時 詳獨此碑所書簡畧直云河間賈伯舒博陵劉顯祖之 弟子或稱從事曹掾之類其人皆著州縣邑里名字甚 甚可喜也治平元年中伏日書 而在者多殘滅不完獨此碑刻畫完具而隷法尤精妙 見於史傳者未當有名两字者也漢樣世所難得幸 (漢沛相楊君碑在閔鄉楊震墓側碑首尾不完失且 後漢沛相楊君碑成月見本文 真蹟

云少子奉奉子敷敷子衆務亭侯又有彪之子脩楊氏 議郎五官中即將沛相年五十六建寧 元年六月癸 丑 府丞宰司累辟應于司徒州察茂才遷嗣陽侯相後拜 順皇帝西巡以禄史召見拜郎中遷常山長史換捷為 于孫載于史傳者止此爾不知沛相為何人也碑云孝 云震長子牧富波相牧孫奇侍中奇子亮陽成亭倭又 遘疾而卒其終始尚可見而惜其名字亡矣治平元年 文志录

名字按後漢書震及中子秉秉子賜賜子彪皆有傳又

· 鱼定匹库全書 右漢繁陽令楊君碑首尾不完文字磨滅可識者四百 六月十日書 三十字不可識者六十一字碑云君遭叔父大尉薨委 後漢繁陽令楊君碑養平中 卷一百三十五

君還又云都信波君之子按漢書楊震子收為富波 榮輕舉吏民攀轅守闕上書運穀萬斛助官賑貧以乞

惜其名字磨滅不可見矣嘉祐八年十月廿三日書

相君廼牧子也权父太尉者秉也出米乞令前史所無

義也按楊震碑高陽令著震孫也今碑在震墓側也 從事定顏使相最後為善侯相善上一字磨滅不可見 次至日華 全 右 真蹟 盖其中間當為高陽令而碑首不書最後官者不詳其 右漢高陽令楊著碑首尾不完而文字尚可識云司隷 後漢楊君碑陰題名 後漢高陽令楊君碑成月未好 文忠集 真蹟

右漢楊君碑陰題名凡一百三十一人有稱故吏者故 何人也治平元年六月十日書 其後有云右後公門生又云右沛作後史本君門生沛 震子孫莖関鄉者數世碑多殘缺此不知為何人碑陰 民者處士者故功曹史者故門下佐者類例不一似當 石漢楊君碑陰題名首尾不完今可見者四十餘人楊 疑是沛相者自有砰而亡其名字 矣後公亦不知為 同前真践

晦日書 皆無所稱述顧其人亦不足究考第以漢隷真蹟金石 等得 時多錯不知為何碑之陰也其名 氏可見者當時 得其四震及沛相繁陽髙陽令碑并得碑陰題名然 灾 己 日 · 日 · 日 所傳者至今類多磨滅可惜故録之爾治平元年三月 識者八十三人其餘或在或亡盖後漢楊震墓域中 人各隨意書之而文字磨減僅可讀其姓名皆俱完 也楊氏墓在関郷有碑數片皆漢世所立余家集録 文忠集

其僅可見者曰候長分陰趙遺子宣候上滅一字又曰 右漢碑陰題名在閔鄉楊震墓側文字磨滅不復可考 後漢碑陰題名

卷一百三十五

字又曰西鄉亭長柏昱子政又曰鄉亭長翟國相如鄉

雅方上又滅一字東門亭長梁忠子孝四望亭長吳鴻

名麟武亭長常暠君宣其餘缺裂不完盖楊氏子


一人滅一字又日麟都亭長陰定安定谷口亭長方丈

敌督郵曹史縣功曹鄉部吏柏昱等人名鄉上又滅

存者四余家集録皆得之乃太尉沛相高陽繁陽令也 右漢楊公砰陰題名楊氏世莖関鄉墓側皆有碑今且 宜禄長蕭劉瑞字仲祐孝康杼秋劉旭字子明太官日 五年五月廿日謝雨致齊于太社書方其版 當時皆莖関鄉碑碣往往磨滅此不知為誰碑也治平 碑除者不知為何人碑文字殘缺其僅存者十五 後漢楊公碑陰題名真職 其在者十四人曰懷陵国令相將禧字武仲

しむり

Ē



右漢朔方太守碑陰題名此兵云永壽二年朔方太守 年五月十八日書五兵時 里莫知為何人惟漢隸在者少為難得故録之治平元 陽賈元輔宗石處王仲宣馬安國王通國皆無官號邑 漢碑者盖其隷字非漢人英能為也其字僅可見者尚 數十而姓名完者九人曰王伯鄉趙仲方賈元周王景 後漢朔方太守碑陰成月兄本大

右漢殘碑陰前後作亦

磨滅不知為何人碑其知為

一缸定四庫 裴篇伯安奢曹椽任就子優又有集曹椽軍? "假司 兩字者下行因紀姓名一年據此乃當時偷衛出錢人 見明府見下又滅一字立祠刊石表章大聖之遺靈永 字延熹四年九月乙酉詔書遷衙令五年正月到官奉 爾今其姓名往往可見云衙鄉三老時勤伯秋上官鳳 示来世之未, 作未下又滅一字謹出錢干干下又滅 上郡仇君察察下滅一字除郎中大曲長大下又滅 >録事史楊禹孟布衙主記椽楊綬子長門下功曹 I) 一百三十五

立祠盖不知為何廟也治平元年夏至日書为其時 砰首题云漢故光禄勲東平無鹽劉府君之碑以此知 見字為漢隸亦不甚工惟其銘云天臨大漢錫以明哲 曜字季尼年七十三其餘爵里官閥卒並歲月皆不可 右漢劉曜碑在今鄆州界中文字磨滅僅有存者云諱 馬之類名字多不完其所出錢不過三百至五百盖漢 世物輕幣重今華嶽孔子廟碑陰所列亦皆如此其所 後漢劉曜碑とオョ 战月末群 真蹟

欽定四庫全書 | ·《

Ŧ

右漢北海相景君銘其碑首題云漢故益州太守北海 為漢碑也治平元年四月一日書 後漢北海相景君銘 战月兄本文

君之名氏色里官閥皆不可考如此其可見者云惟漢 相景君銘其餘文字雖往往可讀而漫滅多不成文故

以無嗣絕安帝永初中鄧太后紹封总弟遽為監亭侯

也漢功臣景丹封櫟陽侯傳子尚尚傳子苞苞傅子

安二年北海相任城府君卒城下一字不可識當為景

右漢景君碑尤磨減惟謁者任城景君數字尚完其餘 十九日書右兵時 為麋盖古字簡少通用至漢猶然也治平元年四月 安順帝年號也君卒于順帝時盖與遽同時人也碑銘 飲定四庫全書 有云不永麋壽余家集録三代古器銘有云眉壽者皆 班可見者皆不能成文故其年世壽考功行卒葬莫 後漢謁者景君碑 卷一百三十五文 忠集

以續丹後自是而後史不復書而他景氏亦無顯者漢


右漢東良碑云君諱良字卿卿上一字磨滅陳國扶樂 右景君石郭銘者余既得前景君碑又得此銘皆在任 可考也盖漢禄今尤難得其磨滅之餘可惜爾右集本 可考故附于此照寧三年正月朔旦山齊記右真時 也厥先舜苗世為封君周與虞剧父自此而滅又云 不知一景君乎將任城景氏之族多耶文字磨減 後漢東良碑成月見本文 後漢景君石郭銘

贼先勇拜黄門即會孫滅其名城下亦~ 當秦之亂隱居河洛高祖破項實從其冊天下既定還 滿為陳侯至玄孫清堂以字立姓曰表自此又滅又云 國三世至王林而絕君即山之曾孫也舉孝康即中 曰封關內侯食遺鄉六百户薨子經嗣經薨子山嗣傳 )扶樂盖不知為何人也又云孝武征和三年曾孫斬 將作大匠丞相今廣陵太守討江賊張路等威震徐 病歸家孝順初初下數字減一作 作成又云府舉

拜議即符節令其後又云永建六年二月卒其碑首題 右漢張平子墓銘世傳崔子玉撰并書按范曄漢書張 二十九日夏至假書古真時 九龍殿引對飲宴九龍殿名惟見於此治平元年五月 老矣其餘磨滅雖時時可讀而不能次第也又云帝御 云漢故國三老衣君碑而碑文有使者持節安車又有 几杖之尊袒割之養君寔饗之之語以此知良皆為三 後漢張平子墓銘不和四年

欽定四庫全書

事因治縣署毀馬臺得一石有文驗之廻斯銘也遂龕 在向城者今尚書屯田員外即謝景初得其半於向城 衡傳贅云崔子玉謂衝數術窮天地制作作造化此 相補續其文遂復完而闕其最後四字然則昔人為二 野自凡百君子已上則亡矣前半亡矣一今以二本 聽事之壁其文至凡百君子而止其後十有亡矣其 四年一作今則真子玉作也其刻石為二本 銘有此語 在向城天聖中有右班殿直趙球者知南陽縣 文忠集





校對官庶古士臣 總校官庶吉士 膝 録 監生臣

篆書 監生臣 臣 王 陳 残 崇 惩 掊 臣

欽定四庫全書管要集部

詳校官助教上常循

五言韻語其略曰不悟集本奄忽然減形而居景集本 故障長其文班班可見而卒葬年壽皆不載其後悉為 字漢安二年舉孝康拜郎中除陳國新平長又云試守 次至日華全書 一 文忠集卷一百三十六 費鳳碑云集本有者字伯蕭梁相之元子也集本 集古銀跋尾第三 後漢實鳳碑歲月見本文 歐陽修

閥卒奠皆不可見其僅見者曰君諱班爾其首書云建 右漢班碑者蓋其字畫殘滅不復成文其氏族州里官 文既非工故不悉録八字集本作文字工 漢自光武至獻帝以建名元者七謂建武建初建光 元年太 歲在丁亥而建下一字不可識以漢書考之 |年十一月十六日山齊書右具頭略日 八釋耒耜桑女投釣筥道阻而且長起坐淚如雨其 後漢武班碑歲月見本文

前本思寧二年九月朔日記 後得別本模桶粗朗始辨其一二云武君薛班乃易去 少一进建和元年也碑文缺減者十八九惟亡者多而存 者少尤為可惜也故録之治平元年四月二十日書右 和元年又成在丁友則此砰所缺一字當為和字無此 原建和建寧建安也以歷推之歲在丁亥乃章帝章和

元年後六十一年桓帝即位之明年改本初二年為廷

右漢司課校尉楊殿碑云惟以靈定位川澤使同澤有 侯之國其餘不可識也建和桓帝即位之元年也後三 右漢中常侍費亭侯曹騰碑文字塔城其粗可見者云 欽定四康全書 ! 字擊黃巾妄治平元年六月十日書 十七年献帝中平元年腾奏子操始為騎都尉集本有 維建和元年七月二十二日己己皇帝若日其遣贵亭 後漢中常侍費學侯曹騰碑成月見本文 後漢司綠楊君碑成月見本文

所注川有所通余谷之川其澤南隆八方所達益城為 廢子由斯得其度經至建和二年漢中太守王升字稚 司禄校尉犍為武陽楊厥字孟文深執忠仇數上奏請 此四道坡馬允艱至於水平其有四年治書開余鑿道 以漢武馬後以子午塗路澀難更隨圓谷復通堂光凡 石門中遭元二西夷虐残橋梁斷絕子谷復循於是故 充高祖受命與於漢中道由子午出散入泰建定帝位

紀嘉君明知美其仁賢勒石頌德以明厥勲其辭大略

飲定四庫全書

遷藏府令中常侍年五十有六永壽四年四后本月甲 辰卒其先為中黃門後為小黃門又為小黃門右史盖 學治韓詩論語孝經歷中黃門拜小黄門小黃門右史 右漢英常侍碑云君諱安字子佑南陽胡陽人也君幼 獨誠字未詳永平明帝建和桓帝年號也右集本 如此其刻書尚完可讀大抵述厥修復斜谷路爾但其 用字簡省復多好緣惟以以為坤以余為斜漢人皆爾 後漢樊常侍碑成月見本文

考其僅可見者云君韓固字伯堅孝友者於閨門至行 古碑新見收采也右具本 讀之徘徊碑下者久之後三十年始得而入集録蓋初 進士赴尚書禮部道出湖陽作明見此碑立道左下馬 不見銀於出自子集銀古文時人稍稍知為可貴自此 右漢郎中鄭固碑文字磨滅其官閥卒奠年月皆莫可 文志县 後漢郎中鄭固砰四一本 成月見本文

漢官之制今不詳其次序也余少家漢東天聖四年舉

立子鄉黨初授業於歐陽住郡諸曹禄史主簿督郵五 文又云延熹元年二月治拜而不見其官惟其碑首題 新定四庫全書 . 官禄功曹又曰忠以衛上清以自修其餘殘缺不復 殘缺一作不完盖其難得 石存於今者少惟余以集銀之勤所得為獨多然類多 云漢故即中鄭君之碑以此知其官至郎中爾漢禄 月之下 而可喜者其零落之餘尤為 漢人用字多

惠公清撥煩整化者試守滿歲為真州言名時收劉君 延熹二年辛亥部書泰山鄉那盗賊未息州郡吏有仁 氏 究洞神變窮與極微為五官據功曹州從事辟太尉 云周泰之際家於東平陽君總角修韓詩京氏易真蹟 自帝舜之苗裔自完適齊因以為氏乃知為姓田爾又 右漢田君碑今在沂州其名字皆已磨減惟云其先出 後漢田君碑成月見本文 具琦

文忠集

之右保本

於他書者亦皆曰叔敖母 知其名饒也此其本無理世亦集本军傳余以集銀二 鉛之語乃費縣令長德政去思碑商治平元年六月二 隐可見蓋無年壽卒莫月日而有故吏薛咸等立石勒 右漢派叔敖碑云名饒字叔敖而史記不著其名而見 十九日書 後漢添叔教碑匹亲三年 而已微斯碑後世遂不復

知君宿操表上武守費自此以後發缺不可次第而隐

悉一百三十六

次 E 月 台 古

一十年間求之博且勤乃得之然則世之未見此碑者 遭父丧以孝立稱土皆環坊兼業並受門徒而集威於 猶不知為名饒也謂余集古為無益可乎非本無 沐泗又云郡察孝廉郎中謁者宛陵丞封立令母爱去 之子也歷泰及漢有國有家宰相牧守踵武相襲又曰 右漢王元賞碑云君諱某字元賞御史君之孫茂才君 真蹟 後漢王元賞母或月見本大 文志集

陽太守年六十有八延熹七年八月丁已卒睦有二碑 ) 辞司空府北軍中候拜大尚書尚書僕射遷常山相山 官服祥碎司空府延熹四年五月辛酉遭命而終其文 其官壽年月可見云賓于王庭除北海長史潁川郎令 右漢祝睦碑云君諱睦字元其下遂鉄城不能成文惟 銘云於惟王君以此知其姓王爾 右集本 字磨減隐隐可見者如此其名既亡又不序其姓惟其 後漢祝睦碑歲月見本文 具時

坟 臣 及 有 市

高辛爾其後碑則頗完故録於次也治平元年六月立 秋日書

皆在今南京虞城縣此碑不見世次而隐隐有云其先

閥壽考年月悉同而此碑有立碑人名氏及睦世次云 右漢祝睦後碑其前碑不知所立人名氏兩碑所載官 後漢祝睦後碑匹意七年

故吏王堂等竊間下有述上之功臣有叙君之德又曰

君兆自然辛祝融苗胄鄭有祝納君其尚也其餘文字

文至日 be de ten

文忠集

觀榮淪弗忘其後二白磨減難詳故録其成文以見其 雅質亦可住也治平元年六月立秋日書右兵時 **趣昌性天約元用長頌聲作語令香功烈著遺椒芳存** 列宿覽四方德合乾道應皇領二郡曜重光化流洽親 右漢街方碑云府君諱方字與祖其先伊尹在殷號稱 邦之陽資五就閏道網網下減一字表微準樞衛稽 亦完可讀二銘皆以三言為文而後銘尤完云楊我君 後漢斯方碑 成月見本文 真磺

卷一百三十六

右漢翼州從事張表碑云君諱表字元異共碑首題云 磨滅以其文多不備録也治平元年六月三日書 茂伐秘将來此其始終之大略其餘歷歷可見而時亦 月五日癸丑卒於是海内門生故吏来嘉石樹重碑鶴 顏川太守又曰拜步兵校尉年六十有三建寧元年二 令州舉尤異遷會籍東部都尉又拜該郎北平大守遷 阿街因而氏馬又曰州舉孝康除郎中即丘侯相勝東 後漢其州從事張表碑成月見本文 具項

廿九日書 解有云仕都為督部應摄虚擊是以狗喻人集本有又 漢故其州從事張君碑而文為韻語叙其官閥不甚詳 疑是盤桓共本有其文字簡少假借國治平元年六月 但云春秋六十四以建寧元年三月癸已養疾而終其 有畔桓利正之語蓋漢人猶質不嫌取類於鴈犬畔桓 右漢竹邑侯相張壽碑云君諱壽字仲吾其先晉大夫 飲定四庫全吉 後漢竹邑侯相張壽碑成月見本大

讀爾右集本 卒其大畧可見者如此其餘殘缺或在或亡亦班班可 中給事竭者遷竹邑侯相年八十建寧元年五月辛酉 沙傳記臨疑獨照確然不撓有孔甫之風舉孝廉除那 張老威德之裔孝友恭懿明允為信博物多識獵 也其先出自盛岐周文之後封於鄭鄭共仲賜氏日侯 右漢金卿守長侯君碑云君諱成字伯威山陽防東人 後漢金即守長侯君母歲月見本文

一 欽定四庫全書 姦五威司命皆王茶官名侯霸列傳云霸茶時為隨令 寧二年四月癸酉卒年八十一碑文首尾皆完故得詳 你霸為臨淮太守轉拜執法右刺姦五威司命大司徒! 鴻溝之院益日安國君曾孫酺封明統侯光武中與玄 其世次其云上黨太守不見其名按漢書執法左右刺 太守之弟郡請署主簿督郵五官振功曾守金鄉長建 厥焆宣多以功佐國漢之與也侯公納策濟太上皇於 公封於陵侯枝葉繁茂或家河洧或邑山濟君即上黨

蓋碑文之緣矣治平元年四月二十九日書 言封於陵侯未知孰是據碑言刺姦司命為光武時官 伯麟少雁艱苦身服田畝翠孝廉除即中辟從事司徒 大司徒封關內侯既薨光武下記追封則鄉侯而此碑! 右漢慎令劉君墓碑在今南京下邑其名已磨滅其字 後漢慎令到君墓碑走字四年

遷執法刺姦而未嘗為五威司命後事光武代伏湛為

禄遷填令卒年六十有二其銘曰於惟君德忠孝正直!

文忠集

完故録之右具蹟 |與旋歸忽然輕舉志激拔葵人皆有亡貴終譽兮殁而 也其先蓋周之胃緒枝葉雲布列於州郡自東郡衛國 右漢北軍中候郭君碑其名字磨滅云元城君第四子 至行通洞高明柔克思神福謙受兹介福知命不延引 不朽垂名著兮余家漢碑常思其銘多缺滅而斯銘偶 後漢北軍中候那君母歲月見本文 卷一百三十六

金定四庫全書

家於河內汉凡竹色侯相次尚書侍郎次濟北相順見

其於兄竹邑侯相上一字缺減不完疑是惠字其下又 臨沂長次徐州刺史次中山相次雜陽令君為五官禄 司徒拜北軍中候年六十有六建写四年九月丙子卒 以俟知者治平元年六月廿九日書右真時 云順弟真晓其義直漢人謂兄弟為此語邪故闕其疑 功曹司禄中都官從事三群将軍府舉康比陽長復群 右漢司緑從事郭君碑云君諱究汉人也元城君之孫 **护定四事全書** 後漢司課從事郭君碑成月見本文

考其世次皆同前世碑碣但書子源而不及兄弟惟郭 從事部都都官春秋二十八而卒中平元年歲在甲子 六月廿九日書右真頭 維陽令之適歷主簿督郵五官緣功曹守令長辟司瑟 **氏碑戴其兄弟甚詳蓋古人譜牒既完而於碑碣又詳如** 三月而葵據北軍中候砰為元城君子而弟為維陽令 此可見其以世家為重不若今人之茍簡也治平元年 後漢魯峻碑歲月見本文 集本

惟云遭母受自乞拜議郎又其最後為屯騎校尉而碑 大字亦粗完故得選拜次序頗詳以見漢官之制如此 遭母愛自乞拜議郎服竟還拜屯騎校尉以病逃位素 平元年卒門生于商等二百三十人諡曰忠惠父其餘 令遷九江太守拜議郎太尉長史御史中丞司禄校尉 者河内太守丞群司徒司空府舉高第御史東郡頃上 之孫脩武令之子治魯詩顏氏春秋舉孝康除郎中謁 右漢魯峻碑云君諱峻字仲嚴山陽昌邑人監營謁者 多奇岐疑有志好學不厭不飭小行善與人交久而能 祖太常博士父安賀守賤不可管縣本以禄先生童孩 右漢玄儒婁先生碑云先生諱壽字几考南陽隆人也 首題一天漢故司緑校尉忠惠文魯君碑二者其晚其義 · 安匹库全書 治平元年四 後漢玄儒婁先生碑歲月見本文

敬榮沮溺之偶耕甘山林之杳謁又曰有朋自遠冕紳

華華講習不倦年七十有八熹平三年二月甲子不禄

為文王卿士食菜於號後世謂之那歷戰國泰漢子孫 學生親拜其墓見此碑在墓側遂據圖經遷碑還縣立 於勃書樓下至今在馬治平元年六月十三日書方英 右漢郭先生碑云諱輔字輔成其先出於王李之中子 |再遷乾德令按圖求碑而壽有墓在穀城界中余率縣 後漢郭先生碑真蹟

今光化軍乾德縣圖經載此碑景祐中余自夷陵貶所

一 飲定四庫全書 流分來居荆土先生其少也孝友而悦學其長也寛舒 士食菜於號至於武王錫而封之後世謂之郭春秋之 生諱輔字輔成其先出自有周王李之中子為文王卿 爾治平元年六月二十日書 終其以而為如及用鄉都字與婁壽碑同蓋漢人如此 右不見書撰人名氏碑在襄州穀城縣界中其辭云先 如好施是以宗親歸懷鄉部髙尚年五十有二遇疾而 集本 卷一面三十六

姓馬傅云聖賢之後必有達者先生應馬孝友而悦學 始見於此也 其長也寬舒如好施是以宗親歸懷鄉都高尚年五十 秋書星陨如雨釋者曰如而也然施於文章以如為而 與漢事壽碑同其曰寬舒如好施盖以如字為而也春 **於定回事全書** 過疾而終其文字古質蓋漢之碑也其用鄉都字 後漢桂陽太守周府君紀功銘真平中 文忠某 40

時為晉所并歷戰國秦漢子淡派分來居荆土氏國立

至今以為利祠字甚嚴云右其本 此君檢漢書無之今碑石缺不見其名情乎遂不見於 世也南人紀其所修瀧水即韓文公所謂昌樂瀧者是也 卷一百三十六

府君碑按廟在樂昌縣西一百一十八里武溪上武溪 右漢桂陽周府君碑按韶州圖經云後漢桂陽太守周 後漢柱陽周府君碑養平中

驚湍擊石流數百里昔馬援南征其門人轅寄生善吹

笛援為作歌和之名曰武溪深其辭曰滔滔武溪一何

龍即此水也碑首題云神漢者如唐人云聖唐爾盖當 知為何人也按武水源出郴州臨武縣鸕鷀石南流三 郭蒼文今碑文磨滅云府君字君光而名已訛缺不可 溪下合真水桂陽人便之為立廟刻石又云碑在廟中 武水合流其俗謂水湍峻為瀧韓退之詩云南下昌樂 百里入桂陽面桂陽具水二方盡溪曹溪諸水皆與 辨圖經但云周使君亦不著其名後漢書又無傳遂不

**於定日車全書** 

文忠具

ř

深鳥飛不波獸不能臨嗟哉武溪何毒淫周使君開此

然縣名樂昌而雅名昌樂其貨俗所傳如是韓集不誤 令因道府君事云名樣間其何以見之云碑刻雖闕尚 時已為此語而史傳他書無之獨見於此碑也右無本 余初以韓集云昌樂瀧疑其誤乃改從樂昌仲章曰不 國子監直講劉仲章者因出其碑而為余言前為樂昌 右漢桂陽周府君碑余初得前本恨其名遊磨城後有 可識也乃以此碑并陰遺余蓋前本特模者不工商又 後漢桂陽周府君碑後本其平中

為泛處疑為寬其官閥可見者為蕭令九年沛有蝗獨 右漢梁相費府君碑其名字若云諱况字仲應而况疑 也乃知古人傳疑而慎於更改者以此右集本 後漢費府君碑成月木并 某本

銘頗簡而文字粗完云縣縣顯祖厥德懿樂播勲於前 不入其界國以狀聞朝廷嘉諸拜梁相春秋八十卒其]

王 碩基業遺爱於民福流於後 昨自此 磨滅不可識者八

字其卒章云功烈休矣來見戮力而穆字為琴古文多

欽定四庫全書 右漢郎中王君碑文字磨滅不復成文而僅有存者其 後漢郎中王君碑光如元年

中王君之銘知君為漢人姓王氏而官為郎中爾蓋夫 名字官閥卒葵年月皆莫可考惟其硬首題云漢故郎 有形之物必有時而與是以君子之道無與而其垂世

者與天地而無窮顏回高即於随巷而名與舜禹同榮

是宣有託於物而後傳那宣有為於事而後者耶故曰

父而無樊者道隐而終顯者誠此君子之所貴也若漢 僅存按後漢書球傳云父學廣漢太守陽嘉中球學孝 異乎瓦礫治平元年四月晦日書右真改 右漢太尉陳球碑云君諱球字伯真廣漢太守之元子 遭繁陽令拜侍御史其後又云拜將作大匠其餘磨減 也又云除郎中尚書符節郎慎陵園令與中東城門候 王君者託有形之物欲垂無窮之名及其樂也金石何 文忠集 後漢太尉陳珠碑成月兄本文

· 鱼灰四月全意 此碑所載與列傳同也治平元年四月晦日書右兵员 云六十有二亦與傳合予所集録古文與史傳多異惟 皆合惟不者誅官官事至其卒時文字磨滅不可識惟 瀬朱蓋有功威著南那今碑破蘭蓋事班班可讀與傳 光和元年遼太尉坐日食免後拜光禄大夫與司徒劉 廉稍遷繁陽令太尉楊東表球零陵太守後累拜司空 部等謀林宦官曹節等不果下獄死球在零陵破賊胡 後漢敬神神歲月見本文

請爾其餘字畫屋完者以漢綠今為難得錄之爾治平 字尚可識故以寫其名爾孟疑其人姓田氏也大抵 钦定四車全書 灰 元年閏五月廿九日書右真時 事治書侍御史又云光和四年閏月唐申此數句祖! 惟云州郡課最臨登大郡又云居喪致哀又云司禄從 磨城比其他漢碑尤甚字可識者頗多第不成文爾 漢敬仲碑者其姓名字皆不可見惟其初有敬仲 後漢無名母此與前政大祭同

士所藏之物未必皆一作適世之用惟其理沒零落之 餘尤以為可惜此好古之僻也治平元年六月五日書 疾而卒其餘守畫尚完者多但不能成文爾夫好古之 楊哮虎之武節又日年六十三光和四年閏月庚申遭 見者云州郡課最臨登大郡又云居喪致哀曾參閱損 又曰辟司禄從事拜治書侍御史又曰奮乾剛之嚴威 右漢無名碑文字磨滅其姓氏名字皆不可見其僅可

右漢唐君碑其名已磨減其字正南云等本作云詞川 飲定四車全書 **野人也其先出自慶都感亦龍生堯王有天下苗胄枝** 余不甚識隷書因改言處遣人之常山求得之遂入於 余言漢時禄書在者此為最住政自言平生惟學此字 右漢彙長祭君頌碑在鎮府故天章閣符制楊败當為 後漢唐君碑成月見本大 後漢京長祭君領碑光和四年 真蹟

閏五月二十八日右真蹟 臣派涕道路取开是故從事郡緣刊石树頌歌君之美 其後又云換君目陽令吏民恭經牵若車輪不得行君 章其後遂復磨滅雖文字班班可見而不能得其次序 **就道好古殺書味詩守舞陽極類陽令察能治刺遷豫** 朔二十五日丙午則知唐君為後漢時人矣治平元年 據此盖縣令去思碑爾其後又云光和六年二月子 分相土視居因氏唐馬君父孝庶即中早卒若継厥緒

其語治平元年六月十四日書方真項 見於此碑者如此碑在今亳州界中云将事去官莫時 刺史年六十四光和六年來龜之事亦不見史傳其僅 丞討伐其後磨滅又云鮮 早侵犯障塞復舉 居拜幽州 事去官于時幽州州下滅一字夷侵冠以君為御史中 右漢朱龜碑云字伯靈察孝庶除即中尚書侍郎以将 後余守亳州徒碑置州學中 後漢朱龜碑成月見本文 

一飲定四庫全書 | 宦官之威也治平元年四月三日書右兵政 悔是亦可佳然敏以一小黄門而立碑稱頌於此可見 盛敏卒之成張讓等十二人封候於斯之時能守静亦 右漢小黃門熊君碑云君諱敏字漢達年五十七中平 命守靜韜光以遠悔咎而已後漢官者用事靈帝時尤 二年卒其文不甚磨滅而官閥無所稱述惟云肅将王 後漢小黃門旗君碑成月九本文 後漢能君碑成月見本文

其失遠矣莫晓其義也右集本 右漢能君碑云君諱喬字舉舉上城一字其官閥不可 備而猶假用何哉後云太歲在甲申上滅一字以思推 安二十一年卒享年七十有一其云治歐羊尚書其字 詳考其僅可知者劉表時為綏民校尉後遷騎都尉建 姓其書顯宇皆為顆按許慎說大顯從暴聲而轉為累 之當是丙申又云碑師春陵福造福上滅一字當是其 訛闕而以陽為羊蓋古文字少故須假借至漢字已

光武皇帝之玄廣陵王之孫 自鄉侯之季子也由是而 後文字缺減其稍稍可讀者時得其一二云六籍五 右漢俞鄉侯季子碑云君諱熊宇孟下阴一宇廣陵海 如源如泉既練州郡卷舒委隨化流南城政猶北辰 分源而流枝葉扶跳出王别角受爵列土封侯載德君 西人也厭祖天皇大帝垂精接感篤生聖明子孫享之 後漢俞鄉侯季子碑成月本詳

**祀有成來臻我邦仁恩如冬日威猛烈夏日吏民爱若** 

新定四庫全書 ·

皇帝子曰廣陵思王荆荆子元壽等四人皆封鄉侯史 右漢武祭碑云君諱祭字舍集本和治魯詩經章君章 句孝經論語漢書史記左氏國語為州書佐郡曹史本 子也天皇大帝之語自漢以來有失右具本 略而不載其名俞鄉侯者不知為誰也思王荆之第幾 慈父畏如神明其後又云採摭語言作詩三章據碑文 欽定四庫全書: 無卒獒年月而其辭若此似是您政碑按後漢書光武 後漢武祭碑成月未詳

年五月六日書布兵战 出惟其碑首題云漢故執金吾丞武君之碑云治平元 孝廉執金吾丞孝桓大憂屯守玄武閼加遇言氣追疾 預靈其餘文字殘缺不見其,卒葵年月又不著人族所 漢碑今存者少此蒙亦與今文小與勢力勁健可爱 於君誤叛 後漢秦君碑首歲月見本文

學文主簿督郵五官禄功曹年三十六南祭府君容舉

老一百二十六

字大僅存其筆畫頗奇偉祭君誤甚愛之 知為何人碑在南陽界中字已磨減不可識獨其碑首 月十七日書右真蹟 談過南都所題乃皇祐三年也令一紀矣嘉祐八年九 右漢泰君碑首題云漢故南陽太守泰君之碑泰君不 **其碑首字大僅存其筆畫頗竒偉茶君誤甚愛之此君** 右漢熹平中碑在南陽界中字已摩避非滅不可識獨 此县本與真婚頗不同故两存之

年月而知為漢人者以其禄體與他漢碑同爾治巫 年五月三日書右真蹟 復成文其。銘云於穆從事級其姓伊而為從事也碑 宇爾云君此字 諱立字元節其先出自伊尹其餘 右漢元節碑文字磨減不見其氏族其可見者幾數十 · 一章全書 | □ 石漢殘碑不知為何人所存者纔三十二字不復成文 後漢残碑成月未詳 真時

士往來穰集都問見之道側追令三十餘年矣其後 宗資南陽安眾人也令墓在鄧州南陽界中墓前有二 右漢天禄辟邪四字在宗資墓前石獸膊上按後漢書 惟云高字幼知其名高又云漢十字與復知為後漢時 石獸刻其將上一曰天禄一日碎祁余自天聖中果進 人而樣字在者甚完體質導勁非漢人莫能為也故録 後漢天禄辟邪字成月未詳

即謝景初家於都為余模得之然字畫作或部敢不若 集録古文思得此字優求於人不能致尚書職方員外 時有宗宋二族而字與音皆相近遂至訛謬**犯史之失** 宋均傳云南防安眾人而無宗均傳疑黨錮傳轉集本 傳如此者 多尖嘉祐八年臘日書 守寫宋為宗爾蜀志有宗預南陽安聚人宜安衆當漢 余見時完也按黨錮傳云資祖均自有傳今後漢書有 **文忠集卷一百三十六** 

飲定四庫全書